



CAPITALIA
Finansije i Računovodstvo

Porezne i poslovne novosti

Newsletter

Sarajevo, **Mart** 2015.



Odgovori UIO¹ na često postavljena pitanja

POREZNA FAKTURA

- 1. Poduzeće u svom softverskom sistemu izrađuje porezne fakture sa skeniranim potpisom ovlaštenog lica i skeniranim pečatom, te iste dostavlja kupcima. Međutim, određeni broj kupaca poduzeću vraća navedene fakture, zahtijevajući da iste budu originalno potpisane i ovjerene od strane ovlaštenog lica. Da li su navedene fakture, sa skeniranim potpisom i pečatom, ispravne sa stanovišta Zakona o porezu na dodatu vrijednost i Pravilnika o primjeni Zakona o porezu na dodatu vrijednost ?*

Članom 55. stav 1. Zakona o porezu na dodatu vrijednost („Službeni glasnik BiH“, br. 9/05, 35/05 i 100/08) propisano je da je obveznik dužan da klijentu izda fakturu, ili drugi dokument koji služi kao faktura, za svaki promet dobara i usluga, izuzev za onaj promet koji je oslobođen u svrhe PDV-a u smislu člana 24 i 25. ovog zakona.

Pod poreznom fakturom, u smislu člana 106. stav (2) Pravilnika o primjeni Zakona o porezu na dodatu vrijednost („Službeni glasnik BiH“, br. 93/05, 21/06, 60/06, 6/07, 100/07 i 35/08), smatra se i svaki drugi dokument koji sadrži sve propisane elemente.

Elementi koje mora sadržavati porezna faktura propisani su članom 107. stav (1) Pravilnika.

Navedenim članom Pravilnika nije propisano da faktura mora sadržavati pečat i potpis, što znači da ista ne mora biti potpisana i ovjerena.

Shodno navedenom, obveznik može izdavati poreznu fakturu i u elektronskoj formi, sa skeniranim potpisom i pečatom, pod uvjetom da ista sadrži sve elemente propisane članom 107. Pravilnika.

POREZNI OBVEZNIK

- 2. Da li je fizičko lice koje prodaje dobra iz svoje imovine, čiji iznos prelazi 50.000,00 KM, u obavezi da se registrira za porez na dodatu vrijednost kod Uprave za indirektno oporezivanje?*

Članom 3. Zakona o porezu na dodatu vrijednost („Službeni glasnik BiH“, br. 9/05, 35/05 i 100/08) propisano je da se porez na dodatu vrijednost, u skladu s odredbama ovog zakona, plaća na promet dobara i usluga koje porezni obveznik, u okviru obavljanja svojih djelatnosti, izvrši na teritoriji Bosne i Hercegovine uz naknadu, te na uvoz dobara u Bosnu i Hercegovinu.

U smislu člana 12. stav 1. Zakona, porezni obveznik je svako lice koje samostalno obavlja privrednu djelatnost, a pod pojmom djelatnosti u smislu stava 2. i 3. istog člana Zakona, podrazumijeva se djelatnost proizvođača, trgovca ili pružaoca usluga koja se vrši u cilju ostvarivanja prihoda, uključujući djelatnosti eksploatacije prirodnih bogatstava,

¹ Uprava za indirektno oporezivanje Bosne i Hercegovine

poljoprivrede, šumarstva i profesionalnih djelatnosti, te iskorištavanje imovine i imovinskih prava u svrhu ostvarivanja prihoda.

Odredbama člana 57. stav 1. Zakona propisano je da je svako lice čiji oporezivi promet dobrima ili uslugama i promet dobrima oslobođenim uz kredit u prethodnoj godini prelazi ili je vjerovatno da će preći prag od 50.000,00 KM dužno da se registrira prema ovom zakonu kao porezni obveznik.

Sva lica koja prvi put postaju ili mogu da postanu obveznici dužna su da, u smislu člana 57. stav 9. Zakona, UIO podnesu zahtjev za registraciju najkasnije do 20-og u kalendarskom mjesecu po isteku mjeseca u kojem su ostvarila ili je vjerovatno da će ostvariti promet dobara ili usluga u iznosu koji je veći od 50.000,00 KM.

Iz navedenih zakonskih odredbi proizilazi da je fizičko lice koje u okviru samostalnog obavljanja privredne djelatnosti prodaje dobra, čijom prodajom je ostvarilo, ili je vjerovatno da će ostvariti, oporezivi promet veći od 50.000,00 KM dužno da se registrira za porez na dodatu vrijednost kod Uprave za indirektno oporezivanje.

Međutim, ukoliko se radi o fizičkom licu - građaninu koje dobra iz svoje imovine prodaje jednokratno, a ne u okviru samostalnog obavljanja djelatnosti, isto nije dužno da se registrira kao obveznik poreza na dodatu vrijednost, bez obzira na iznos ostvaren prodajom.

3. *Poduzeće iz inostranstva je, u cilju istraživanja tržišta, osnovalo predstavništvo u Bosni i Hercegovini. Da li navedeno predstavništvo, s obzirom da ne vrši oporezivi promet, treba da se registrira kao obveznik poreza na dodatu vrijednost kod Uprave za indirektno oporezivanje ?*

Porez na dodatu vrijednost se, u skladu sa članom 3. Zakona o porezu na dodatu vrijednost ("Službeni glasnik BiH", br. 9/05, 35/05 i 100/08), plaća na promet dobara i usluga koje porezni obveznik, u okviru obavljanja svojih djelatnosti, izvrši na teritoriji Bosne i Hercegovine uz naknadu.






Članom 57. stav 1. Zakona propisano je da svako lice čiji oporezivi promet dobrima ili uslugama i promet dobrima oslobođenim uz kredit u prethodnoj godini prelazi, ili je vjerovatno da će preći, prag od 50.000 KM dužno je da se registrira prema ovom zakonu kao porezni obveznik.

S obzirom da predstavništvo u Bosni i Hercegovini ne vrši oporezivi promet dobrima i uslugama, već je isto osnovano s ciljem istraživanja tržišta, to se, u smislu naprijed navedenog, predstavništvo ne treba registrovati kao obveznik poreza na dodatu vrijednost kod Uprave za indirektno oporezivanje.



Novi propisi

Tokom marta 2015. godine objavljeni su, između ostalog, sljedeći propisi vezani uz područje poreza, doprinosa, finansija te poslovanja općenito:


„Službeni glasnik BiH“

-  Odluka o izmjeni Odluke o utvrđivanju Carinske tarife za 2015. godinu („Službeni glasnik BiH“, broj 19/2015 06.03.2015.)
-  Uputstvo o izmjeni Uputstva za pripremu modela tenderske dokumentacije i ponuda („Službeni glasnik BiH“, broj 20/2015 09.03.2015.)
-  Uputstvo o uslovima i postupku davanja mišljenja Uprave za indirektno oporezivanje („Službeni glasnik BiH“, broj 21/2015 10.03.2015.)
-  Zakon o izmjenama i dopunama Zakona o politici direktnih stranih ulaganja u Bosni i Hercegovini („Službeni glasnik BiH“, broj 22/2015 16.03.2015.)
-  Saopćenje o prosječnoj mjesečnoj bruto i neto plaći zaposlenih u Bosni i Hercegovini za januar 2015. godine („Službeni glasnik BiH“, broj 27/2015 31.03.2015.)

„Službene novine FBiH“

-  Saopćenje o prosječnoj isplaćenju mjesečnoj neto i bruto plaći zaposlenih u Federaciji Bosne i Hercegovine za januar 2015. godine („Službene novine Federacije BiH“, broj 21/2015 18.03.2015.)
-  Pravilnik o izmjenama i dopuni Pravilnika o načinu uplate javnih prihoda budžeta i vanbudžetskih fondova na teritoriji Federacije Bosne i Hercegovine („Službene novine Federacije BiH“, broj 20/2015 13.03.2015.)

„Službene novine Kantona Sarajevo“

-  Saopćenje o prosječnoj isplaćenju mjesečnoj neto plaći zaposlenih u Kantonu Sarajevo za januar 2015. godine („Službene novine Kantona Sarajevo“, broj 10/2015 19.03.2015)

Kratke poslovne vijesti



[Analiza 2014. godine: Dobit prerađivačke industrije u FBiH 200 miliona KM](http://www.ekapija.ba/)

Prema podacima za 2014. koji su dostupni putem najveće funkcionalne baze podataka u BiH www.bon.ba Agencije TEC d.o.o. iz Sarajeva uprkos prošlogodišnjim poplavama prerađivačka industrija je ostvarila rast u 2014. godini, navodi se u analizi Agencije TEC za eKapija.ba.



[Arifović: "Sumnjivi bogataši" trebaju biti u fokusu istraga](http://www.klix.ba/)

Porezna uprava Federacije BiH treba se značajnije u budućnosti baviti oporezivanjem imovine građana koju imaju u novcu ili u vidu pokretne i nepokretne imovine, kao što su kuće, stanovi, poslovni prostori, apartmani, vikendice, zemljišta, vozila, jahte, dionice itd., a za koju nemaju dokaz o porijeklu, odnosno da je stečena od legalno prijavljenih prihoda.



[BiH u top 10 država svijeta po proizvodnji struje iz obnovljivih izvora](http://seebiz.net/)

Po podacima Državne regulatorne komisije za električnu energiju (DERK) u Bosni i Hercegovini je u 2013. proizvedeno 16.302,55 GWh električne energije, od čega je u hidroelektranama proizvedeno 7.123,62 GWh ili 43,7 posto. Iz Centra za edukaciju i podizanje svijesti o potrebi povećanja energetske efikasnosti – Energis saopćeno je da je Bosna i Hercegovina među prvih 10 država u svijetu po proizvodnji električne energije iz obnovljivih izvora, što je pozitivno za državu i njene građane.



Za više informacija, kontaktirajte:

CAPITALIA d.o.o.

Karpuzova 13
71 000 Sarajevo

Tel. + 387 33 574 500

Tel. + 387 33 574 501

Fax. + 387 33 574 500

info@capitalia.ba; www.capitalia.ba

dipl.oec. Nedim Haverić

e-mail: nedim.haveric@capitalia.ba

dipl.oec. Maja Lojo

e-mail: maja.lojo@capitalia.ba

dipl. pol. Aida Durmo

e-mail: aida.durmo@capitalia.ba

dipl.oec Adnan Habibija

e-mail: adnan.habibija@capitalia.ba

dipl.oec. Ahmed Mesihović

e-mail: ahmed.mesihovic@capitalia.ba

dipl.oec. Emina Aldžić

e-mail: emina.aldzic@capitalia.ba

www.capitalia.ba



Referenc lista:

Ibes d.o.o. | Organska kontrola d.o.o. | B&B Projekt d.o.o. | Enova d.o.o. | Brothers Jichi d.o.o. | Poslovna inteligencija d.o.o. | Earth First Goods & Services d.o.o. | Auto-elektronik d.o.o. | Euro-rent d.o.o. | DPA systems d.o.o. | Walter IT Solutions d.o.o. | ProBest d.o.o. | UniCredit Leasing d.o.o. | Spržo Company d.o.o. | Econ d.o.o. | Erweil-Denner d.o.o. | Glass – restoran | Ordinacija Gavrankapetanović | Ordinacija Estetica Dentis | Ramis | Rahatlook | Kewser – udruženje | OK-udruženje | Udruženje Vjeroučitelja | Magacin Kabare – udruženje | Udruženje Kultura sjećanja | Croatia Airlines d.d. predstavništvo u BiH | Averroe | Hotel Belvedere | Media Capital d.o.o. | RING d.o.o. | SEE Change Net | Mrkva Group d.o.o. | Guliver Trgovine d.o.o. | Akademija 387 d.o.o. | Udruženje Zemlja Dinarika | NEST 71 | Udruženje HUB 387 |

Ova publikacija je pripremljena u martu 2015. godine kako bi zainteresiranim osobama pružila određene korisne informacije o porezima, računovodstvu i drugim poslovnim temama. Namjenjena je malim preduzećima. Ne preporučujemo da je koristite kao osnovu za određivanje porezne obveze ili da bi se odredila strategija investiranja u danim okolnostima. U svim slučajevima preporučujemo da se obratite stručnom savjetniku. Informacije sadržane u ovom materijalu su opće naravi i nije im namjera adresirati okolnosti bilo kojeg pojedinca ili društva. Iako nastojimo navesti tačne i pravodobne informacije, ne možemo jamčiti da su te informacije tačne na datum njihovog primitka, niti da će ostati tačne u budućnosti. Nitko ne bi trebao djelovati na temelju takvih informacija bez odgovarajućeg stručnog savjeta, nakon temeljitog ispitivanja pojedine situacije.